



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-01-90/02..

Sarajevo, 11. veljače 2002.

Z A P I S N I K

sa 12. sjednice Komisije za ljudska prava, imigraciju, izbjeglice i azil

Dvanaesta sjednica Komisije održana je u dva dijela – 05. i 11. veljače 2002.

Prvom dijelu sjednice, 5. veljače, prisustvovali su Osman Brka, Miloš Jovanović, Miro Grabovac – Titan, Muhamed Begović, Bahrija Osmanović, Mustafa Cuplov, Violeta Kamberović i Omer Filipović. Odsustvovao je Dušan Stokić.

Za sjednicu je usvojen sljedeći

D N E V N I R E D:

1. Usvajanje Zapisnika sa 11. sjednice Komisije,
2. Utvrđivanje prijedloga za izradu plana rada Predstavničkog doma za 2002. godinu,
3. Rasprava i zauzimanje stava u svezi s dešavanjima u Bosni i Hercegovini vezanim za uhićenja i deportiranje tzv. «alžirske grupe»,
4. Utvrđivanje elaborata za organiziranje okruglog stola o ljudskim pravima u Bosni i Hercegovini,
5. Tekuća pitanja.

Ad – 1: Zapisnik sa 11. sjednice Komisije

Na Zapisnik nije bilo primjedbi. Komisija je jednoglasno usvojila Zapisnik sa 11. sjednice.

Ad – 2: Utvrđivanje prijedloga za izradu plana rada Predstavničkog doma za 2002.

Predsjedatelj je dao uvodne napomene u svezi s prijedlogom pitanja za Orjentacioni plan rada, koji je članovima Komisije dostavljen u pisanoj formi.

U diskusiji su sudjelovali Muhamed Begović, Bahrija Osmanović, Mustafa Cuplov, Osman Brka, Miloš Jovanović i Violeta Kamberović.

Muhamed Begović je podržao prijedloge koje je dao član Komisije Omer Filipović i predložio da se uvrste zajedno sa prijedlozima Komisije.

Bahrija Osmanović je, pored prijedloga g. Filipovića i Komisije, predložila da se u Plan rada uvrsti Prijedlog zakona o ravnopravnosti spolova.

Mustafa Cuplov podržao je prijedloge člana Komisije Omera Filipovića, kao i prijedlog Komisije. Predložio je da se u Plan rada i Doma i Komisije uvrsti izvještaj o poštovanju ljudskih prava u oblasti zdravstvene zaštite.

Miloš Jovanović je predložio da se prioritet da' pitanjima koja nisu realizirana Planom za 2001.

Osman Brka je predložio da Komisija usvoj plan uvrsti posjete na teren svakih tri mjeseca, što bi značilo četiri ili šest posjeta godišnje.

U diskusiji u okviru ove točke, pored ostalog, istaknuto je da je predloženi plan preambiciozan i da se objektivno postavlja pitanje da li će se moći realizirati.

Predsjedatelj je skrenuo pozornost da se s ovako obimnim planom može ući i u zamku, da se ne realizuje veći broj pitanja, pa da onda eventualna analiza realizacije pokaže negativno rad Komisije. Naglasio je da su članovi Komisije vrlo odgovorni, da redovno prisustvuju sjednicama, daju konstruktivan doprinos i da Komisija dobro radi.

Dalje je u diskusiji naglašeno i to da je za većinu predloženih pitanja obrađivač Savjet ministara, da od njih zavisi kada će određeni materijal doći u parlamentarnu proceduru, te da se i samim uvrštavanjem određenih pitanja u plan rada identifikuju problemi i daju impulsi za njihovo rješavanje.

Poslije diskusije Komisija je usvojila prijedloge za orijentacioni plan Doma, sa prijedlozima iznesenim u raspravi, što će biti orijentacioni plan rada i Komisije uz pitanja koja spadaju samo u njenu nadležnost, a to su:

- organizacija okruglog stola na temu ljudskih prava;
- posjeta Komisije određenim mjestima u Bosni i Hercegovini;
- izvješća Komisije o posjetama.

Što se tiče posjeta Komisije orijentaciono je dogovoreno da Komisija posjete vrši svakih 2-3 mjeseca, što bi bilo 4-6 izlazaka na teren godišnje.

Ad – 3: Rasprava i zauzimanje stajališta u svezi s dešavanjima u Bosni i Hercegovini vezanim za hapšenja i deportiranje tzv. «alžirske grupe»

Uvodno izlaganje povodom ove točke podnio je Predsjedatelj Osman Brka. Pored ostalog, iznio je hronologiju događaja vezanih za tzv. «alžirsku grupu», kao i zahtjev za zaštitu koji su Komisiji dolazili Također je upoznao Komisiju o zahtjevima za informacije u svezi s ovim pitanjem, koje je kao predsjedatelj Komisije uputio nadležnim organima. Kazao je da je dobio određeni materijal od Vijeća ministara koji nosi oznaku povjerljivosti, te ih je ukratko upoznao sa sadržajem materijala.

U diskusiji su sudjelovali: Violeta Kamberović, Omer Filipović, Miro Grabovac, Muhamed Begović, Mustafa Cuplov, Bahrija Osmanović i Miloš Jovanović i Osman Brka.

Članovi Komisije su, pored ostaloga, kazali da nisu u situaciji da se izjašnjavaju o pitanjima vezanim za sporne događaje, tim prije što nisu imali priliku da pročitaju materijal koji je dobio Predsjedatelj, već da o ovim događajima znaju samo ono što su

mogli čuti iz sredstava informiranja. Zatražili su da se taj materijal umnoži i dostavi svim članovima Komisije.

Poslije diskusije zaključeno je da se ispred Komisije uputi zahatjev Vijeću ministara, Vrhovno sudu Federacije BiH i Domu za ljudska prava, od kojih će se zatražiti zvanične informacije u svezi s tzv. alžirskom grupom.

Predsjedatelj Komisije Osman Brka predložio je da Komisija zatraži od Kolegija doma da pitanje tzv. "alžirske grupe" uvrsti u dnevni red naredne sjednice Doma, kako bi se Parlamentu podnijela informacija o ovim događajima.

Povodom ovog prijedloga diskutirali su Miloš Jovanović, Miro Grabovac, Osman Brika, Violeta Kamberović, Muhamed Begović, Msutafa Cuplov i Bahrija Osmanović.

Nakon diskusije zaključeno je da se materijal koji je dostavljen u svezi s ovim pitanjem umnoži i preda članovima Komisije, a da se sjednica Komisije nastavi u ponedjeljak 11. veljače s početkom u 10 sati, kada će Komisija, na osnovu postojećih materijala i onih koje dobije po zahtjevu koji će uputiti spomenutim institucijama nakon sjednice, zauzeti konačan stav u svezi s događajima vezanim za alžirsku grupu.

Ad – 4: Utvrđivanje elaborata za organiziranje okruglog stola o ljudskim pravima u Bosni i Hercegovini,

O prijedlogu elaborata diskutirali su Violeta Kamberović, Osman Brka, Miro Grabovac, Bahrija Osmanović, Mustafa Cuplov i Miloš Jovanović.

S obzirom da je na prijedlog elaborata dato više primjedbi zaključeno je da se isti doradi sukladno iznesenim primjedbama i da se usvoji na nastavku sjednice 11. veljače.

Nastavak 12. sjednice održan je 11. veljače 2002. Prisustvovali su Osman Brka, Miloš Jovanović, Muhamed Beović, Bahrija Osmanović, Mustafa Cuplov, Violeta Kamberović i Omer Filipović. Odsustvovali su Miro Grabovac i Dušan Stokić.

Na početku nastavka sjednice Mustafa Cuplov obavijestio je Komisiju da je od predsjedavajućeg Dom Željka Mirjanića dobio obavještenje da sadašnji sastav ove komisije nije u skladu s Poslovníkom, jer u sastavu Komisije nije zastupljena 1/3 članova iz Republike Srpske. U tom smislu Klub Stranke za BiH izvršiće konsultacije i do sjednice Doma predložiti zamjenu jednog člana Komisije, rekao je, pored ostalog, Mustafa Cuplov.

Predjedavajući Komisije Osman Brka konstatovao je da je Komisija ovo obavještenje primila k znanju. Potom je podsjetio članove Komisije na dogovor na prvom dijelu sjednice, da se na ovoj sjednici nastavi rasprava na sljedećim tačkama dnevnog reda:

1. Rasprava i zauzimanje stava u svezi s dešavanjima u Bosni i Hercegovini vezanim za uhićenja i deportiranje tzv. «alžirske grupe»,
2. Utvrđivanje elaborata za organiziranje okruglog stola o ljudskim pravima u Bosni i Hercegovini.

Ad – 1:

U svezi s prvom tačkom gospodin Brka je istaknuo da su članovi Komisije na prvom dijelu sjednice dobili materijale s kojima je tada Komisija raspolagalo, kao i da su

danas dobili materijale koji su u međuvremenu dostavljeni Komisiji kao odgovor na zahtjev Komisije po zaključku prvog dijela sjednice.

U diskusiji u okviru prve točke sudjelovali su Muhamed Begović, Violeta Kamberović, Miloš Jovanović, Omer Filipović, Bahrija Osmanović, Osman Brka i Mustafa Cuplov.

Poslije duže diskusije Komisija je zaključila da će konačno stajalište o događajima vezanim za ztv. "alžirsku grupu" zauzeti nakon što dobije konačne odluke Ustavnog suda i Vrhovnog suda Federacije BiH, kao i Doma za ljudska prava za Bosnu i Hercegovinu.

Ad – 2:

Predsjedatelj je u uvodu rekao da je na osnovu diskusije na prethodnoj sjednici o prijedlogu elaborata za organiziranje okruglog stola sačinjen novi tekst elaborata koji su članovi Komisije dobili. Napomenuo je da su uglavnom uvažene sve primjedbe i sugestije iznesene u prethodnoj diskusiji.

O novom tekstu elaborata nije bilo diskusije.

Članovi Komisije su jednoglasno usvojili Okvirni elaborat za organiziranje okruglog stola na temu ljudskih prava.

Zaključeno je da se od Kolegija zatraži da ovo pitanje uvrsti u dnevni red 20. sjednice, radi prihvatanja Doma da bude pokrovitelj okruglog stola.

Ovim je završena 12. sjednica Komisije za ljudska prava, imigraciju, izbjeglice i azil.

Sastavni dio ovog zapisnika je transkript 12. sjednice Komisije.

TAJNIK KOMISIJE
Rajka Stanišić

PREDSJEDATELJ KOMISIJE
Osman Brka

